



Feria v. Die 31. Augusti Anno à Natiuitate D. N. Iesu Christi M. DC. XVII.

In Generali Congregatione S. Romanæ, & Vniuersalis Inquisitionis, habita in Palatio Apostolico in Monte Quirinali coram S. D. N. D. PAVLO Diuina prouidentia Papa Quinto.



ANCTISS. D. N. post longam, & maturam discussionem auditis votis Illustrissimorum, & Reuerendissimorum DD. Cardinalium cōtra hæreticam prauitatem Generalium Inquisitorum re accuratè, ac diligenter perpenſa prouidè considerans, quod quamuis in Constitutione fel. rec. Sixti IIII. super Conceptione Beatiss. Virginis MARIÆ pro submouendis inter Christifideles scandalis, rixis, & cōtentionibus edita, à Sancta Tridentina Synodo innouata, & deinde in alia Constitutione S.^{mo} me. Pij V. super eadem re, quas similiter Sanctitas Sua innouauit cū quibusdam prouisionibus, & adiectionibus pœnarum proficaciori earum obseruatione, relinquatur vniciq; libera facultas tenendi, & etiam asserendi vtramq; partem, quod scilicet fuerit, vel non fuerit concepta cum peccato originali, dum tamen neutra, veluti erronea, aut hæretica dâctur, nihilominus ex occasione asseritionis affirmatiuæ in publicis Concionibus, Lectionibus, Conclusionibus, & actibus publicis, quod eadem Beatissima VIRGO fuerit cum peccato originali concepta, oriuntur in populo Christiano cum magna Deum offensa, scandala, iurgia, & dissensiones. Propterea volens huiusmodi scandalis ex debito sui muneris prouidere, decreuit, & præcepit, ac præsentis Decreti virtute mandat, & præcipit omnibus, & singulis cuiusuis ordinis, & instituti Regularibus, & alijs quibuscumque tam Ecclesiasticis, quam sæcularibus personis cuiusuis conditionis, status, gradus, ordinis, aut dignitatis, tam Ecclesiasticæ, quàm sæcularis etiam si specialis, specifica, & indiuidua earum esset necessario mentio faciendâ, ut in posterum donec articulus huiusmodi à S. Sede Apostolica fuerit diffinitus, vel per Sanctitatem Suam, & Sedem Apostolicam fuerit alter ordinatum, non audeant in publicis Concionibus, Lectionibus, Conclusionibus, & alijs quibuscumq; actibus publicis asserere, quod eadem Beatissima VIRGO fuerit concepta cum peccato originali. Contrafacientes autem eadem Sanctitas Sua voluit, & declarauit subiacere debere, & subiecit Censuris, & pœnis contentis in supradictis Constitutionibus suorum Prædecessorum, & sua ipso facto incurrendis. Per huiusmodi tamen prouisionem Sanctitas Sua non intendit reprobare alteram opinionem, nec ei vllum prorsus præiudicium inferre, eam relinquens in eisdem statu, & terminis, in quibus de præsentibus reperitur, præterquam quoad supra disposita. Vterius sub eisdem censuris, & pœnis mandans, quod negatiuam opinionem, videlicet, quod non fuerit concepta cum peccato originali in prædictis publicis asserentes aliam opinionem non impugnent, nec de aliquo modo agant, seu tractent. Insuper voluit, & expressè mandauit, vt extrahos casus expressos publicorum actuum, in relictis omnibus supradictis Constitutionibus firmæ, & illesæ remaneant, & exactè obseruentur perinde, ac si præsens Decretum non emanasset. Et ita decreuit, & mandauit vbiq; inuolubiliter obseruari, non obstantibus in hac parte supradictis Constitutionibus, & alijs omnibus in contrarium facientibus. Volens, & decernens pro obseruatione & executione præsentis Decreti, & omnium in eo contentorum, quod contra huiusmodi transgressores etiam Regulares cuiusuis Ordinis, & Instituti, etiam quomodolibet exemptos, & alias quascumq; Ecclesiasticas, & sæculares personas cuiuscumq; status, conditionis, gradus, ordinis, aut dignitatis, tam Ecclesiasticæ, quàm sæcularis, tam Episcopi, & Prælati, Superiores, aliq; Ordinarij locorū, quàm hæreticæ prauitatis vbiq; locorum deputari Inquisitores procedant, & in eos ferre animaduertant, tribuens eis, & eorum cuilibet liberam facultatem, & auctoritatem contra eosdem transgressores procedendi, ac pœnis coercendi, & puniendi. Voluit demum, ne præmissorum ignorantia à quoquam prætendi possit, quod præsens Decretum, seu illius exempla ad Valuas Basilicæ Principis Apostolorum de Vrbe, & in acie Campi Floræ affixas, & in alijs ita ardent, & affiant perinde, ac si vniciq; personaliter intimata fuissent; quodq; præsentium transumptis etiam impressis manu Notarij publici subscriptis, & sigillo alicuius personæ in dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur si forent exhibitæ, vel ostensæ.

Andreas de Pettinis Sanctæ Romanæ, & vniuersalis Inquisitionis Not.

Anno à Natiuitate D. N. Iesu Christi 1617. Indictione xv. die vero 12. mensis Septembris, Pontificatus autem S.^{mi} in Christo Patris & S. D. N. D. Pauli Diuina prouidentia Papæ Quinti anno 13. præsens Decretum affixum, & publicatum fuit ad Valuas Basilicæ Principis Apostolorum, & in acie Campi Floræ, per me Franciscum de Clericis S.^{mi} D. N. Papæ Cursorem. Siluerius Pontirolos Mag. Curs.